

王得祿傳記及其他

陳漢光

一、前言

臺灣歷史人物中，在有清二百餘年間，官居提督而授封爲二等子爵並太子太保之官銜者，實只王得祿一人而已。撇此不談，若就剿滅東南海寇大盜蔡牽，其功非僅對於清廷，即地方的安寧，亦係有恩有德，影響於東南沿海歷史甚大。依史觀，實有研究必要。拙輯「清代文獻中有關王得祿資料彙輯」，已於「臺灣文獻」第二十四卷第三期發表矣。茲再就「傳記」部份綜輯爲本文；其後希望在「臺灣文獻」第二十五卷第一期發表「王得祿研究」，作爲完結。

二、王得祿家譜

筆者寡聞，雖曾數訪王得祿後裔，惟迄今十數年尙未能獲知其有家譜。茲且就已得之資料，彙輯王得祿世系如下。

王得祿世系，遷臺以前無考，只「王得祿行述」謂其族出江西南城。遷臺始祖王奇生，係鎮標右營領旂；素驍勇。清康熙年間入閩伍，朱一貴亂時，奉委領兵，與賊戰於赤山。官軍敗，奇生負其勇，突圍衝擊；賊左右夾攻，被殺身亡，亂平之後，獲卹典，從祀忠義祠。事載乾隆十九年王瑛曾纂「重修鳳山縣志」卷九縣防志內。自奇生傳至王得祿爲第四世；得祿傳下又有五世乃至七世；今只能就一世至九世列表之。

江西南城王氏遷臺世系表

△第一世至第四世

(一世)

(二世)

(三世)

(四世)

必
敬
(康肅)
安
長男澄江
次男澄海

撝
得
祿
生
十
子
詳
見
「
行
述
」
詳
下
表


奇
生
舜
氏
選
氏
陳
氏
林
廷
慕

必
達
第
三
男
得
陞
四
男
(早
歿)
得
招

必
登

— 獻 文 灣 臺 —

得



一他其及記傳祿得王一

△第六世至第八、九世

(六世) (七世) (八世) (九世)

(六世)

(七世) (八世)

(六世) (七世) (八世) (九世)

長男金波 (民國十五年三月六日歿，無妻子。)
次男謀 (日據時期死亡，無妻子。)

(得祿長男朝綱之長男)
長男國寅 — 長男壽盛 (戶口規則施行前歿，無妻子。)
次男舜欽 (日據前已歿，無妻子。)

長

綱
之
長
男

庚

次男舜欽 (日據前已歿，無妻子。)

(六世) (七世) (八世) (九世)

次男蒼啓 (光緒三十四年六月十一日歿，無妻子。)
次男蒼爍

次男榮記

次男蒼啓 (光緒三十四年六月十一日歿，無妻子。)
次男蒼爍

螟蛉子國藩 (戶口規則施行前歿，無妻子。)

三男國瑞 (日據前已歿，無妻子。)

三男國瑞 (日據前已歿，無妻子。)

長男鍾麟 (光復後死亡，無妻子。)

長男溪雲 (民國四年十一月四日
幼亡)

次男碧麟 — 長男登志

長男強 (民國十二年五月二十日
幼亡)

長男子景

螟蛉子乃石 — 長女花

三男毓麟

四男錫麟

四男乃溫

五男乃彥

三男乃德

四男乃明

三男乃裕

四男乃嘉

三男乃寬

五男乃謙

三男乃宏

六男乃光

三男乃興

七男乃乃

三男乃乃

八男乃乾

三男國璣 — 長女采芹 (養子除戶)

次男子瓊

次男瑞麟 (過房外戚鄭氏)

三男應麟

長男乃元

三男乃中

八男振業 (戶口規則施行前死亡，無妻子。)

七男振德

二男宇都 (幼亡)

三男義重

四男宇慶 (幼亡)

朝綱
之
長
男

源

遐

五男振良 — 長男捷

六男國珍 (日據前死亡，無妻子。)

七男振德

二男宇都 (幼亡)

三男義重

四男宇慶 (幼亡)

長男漢雲 (民國四年十一月四日
幼亡)

次男壽郎 (民國十二年五月二十日
幼亡)

長男流軍

次男順亨

長男捷


次男順亨

長男漢雲

次男壽郎

長男流軍

一 獻 文 灣 臺



附記：上記係據「王得祿家廟牌位」、「王得祿行述」、「王康肅墓碑」，以及嘉義縣太保鄉公所所藏之「祭祀公業王慎齋、王玉峰派下系員系統圖」等資料編輯而成；此外又自王得祿之第九男朝文庶子長烈及其長子國興口述以作補充。

三、王得祿傳記

王得祿的傳記甚多，各書所載大同少異，中以「王得祿行述」為

一他其及記傳祿得王一

最詳，撰述時期亦較早；此外又有「澎湖續編」、「清史稿」、「清史列傳」、「臺灣通史」等，可視為其史觀及取材獨特之點，故綜輯之。

(一)「王得祿行述」鈔本一卷

臺灣省立臺北圖書館藏有「皇清誥授振威將軍太子太保原任浙江水陸提督二等子爵世襲賞戴雙眼花翎晉加太子太師贈伯爵賜祭葬予謚果毅顯考玉峰府君行述」抄本一卷；又嘉義王得祿十男朝武之庶子長烈亦藏有石本一冊。此「行述」是王得祿最詳的傳記。

臺灣銀行經濟研究室編印「臺案彙錄辛集」（臺灣文獻叢刊第二〇五種），附於書末。茲錄如后。

皇清誥授振威將軍太子太保原任浙江水陸提督二等子爵世襲賞戴雙眼花翎晉加太子太師贈伯爵賜祭葬予謚果毅顯考玉峰府君行述府君姓王氏，諱得祿，字百逾，號玉峰。先世居江西南城。康熙間，高祖奇生公入閩伍，以千總隨軍臺灣剿朱一貴，陣歿鳳山，賜恩騎尉，遂占籍臺之諸羅，今名嘉義。曾祖廷選公，祖必敬公，三世皆以府君貴贈如府君官。三世祖妣皆贈一品太夫人。必敬公生子四：長伯父得嘉，例貢生；仲即府君；三叔父得陞，四季父得招，皆早歿。

府君生穎異，習嫻韜略，有當世志。乾隆四十九年甲辰，年十五，遊武庠。五十一年丙午十一月，彰化林爽文作亂，諸羅城猝陷。府

君走郡城，乞師於柴鎮軍大紀，請以所募義勇五百爲前隊。五十二年丁未正月，大兵至，聲言直擣大里杙賊巢，而陰趨縣治，府君隨軍克復諸羅，先後打仗五十九次，擒殺五十餘，獲鞍馬、旗幟、礮械，軍前得把總。嘗於店仔尾遇賊猝至，衆欲遁，府君曰：『賊已薄，遁即爲禽』。整隊決戰，轟斃賊目，賊即奔，時諸羅復後再被圍，城中糧盡，雜地瓜、野菜、花生飄食之，民效死弗去。賊亦怒攻，柴鎮軍因圍城中。府君請率官兵出戰，以挫賊銳。七月至九月，打仗一十九次殺賊二十餘名，陞千總。九月至十月，打仗一十四次，累獲勝。賊憚府君名。十一月，欽差陝甘總督福文襄公，內大

臣海公海蘭察統大帥由鹿港進援諸羅。賊屯牛稠溪，慮弗達。府君率義勇突圍出應大軍，敗牛稠溪賊，圍得解。進剿大坪頂、大排竹、舉鄉導者，僉謂非府君不可。福公命於大埔林內莊、嵌頂厝、斗六門、觸口、林圮埔、阿罩霧等莊搜剿。

大里杙者，林逆老巢也，列柵集兵以拒。逮夜，賊萬炬來索戰。府君率義勇伏溝塍間，銃矢從暗擊明，發無不中。賊遽滅火鳴鼓來攻。復尋鼓聲擊之。鏖戰竟夜。黎明，至烏日莊。隔溪即賊隘，衆次且不前。府君躍馬先渡，後軍繼之，遂破大里杙。福公許爲有將帥之略，因命隨汀州鎮總兵普公普吉保，由平林仔、集集埔、鯉魚頭等處追剿。賊遁小半天，爲險絕處。復奮力先登。十二月，林逆就擒，北路平。奏賞藍翎。

五十三年戊申正月，海公南下，命府君隨軍，由牛莊、南潭埔、姜頭至鳳山赤嵌、水底、枋寮、山柴寮、鳳港，打仗四次。二月，府君往瑤嶠山搜擒賊首莊大田及賊目八名。又在白沙嵌獲楊文滔、楊馮因、南路平。奏賞花翎五品頂戴，以千總實缺用。

五十八年癸丑，府君娶我母范夫人，爲故進士山東遊府學海公孫女，太學生辨峰公長女。五十九年甲寅，府君內渡，投標候補。六十一年乙卯四月，補督標右營千總。臺匪陳周全亂，隨閩浙總督伍公伍拉納東渡，獲程文妙等九名。六月凱旋回營。嘉慶元年丙辰正月，欽奉恩詔加一級。

是時，閩、浙、粵海上多盜，而蔡牽、朱漬爲之魁。府君隨銅山營參將李公長庚在閩浙洋面緝捕，獲吳興信等四十名於獺窟洋，擊沉賊船二。後隨護金門遊擊魏君成德獲楊善等十四名，奪船二。改補督標右營水師千總。續獲沈阿善等二十五名。二年丁巳閏六月，在斧頭外洋擒莫阿三等，燬其舟。八月，擊沉匪船於竿塘洋，斃賊十餘，擒賊二十餘。三年戊午，隨閩安協副將莊君錫舍先後出哨，在斧頭澳獲巨盜蔡牽黨李武等二十二名，賊船一。又追洪接等於白畎洋，盡殲之，奪獲船隻、礮械。下部議敍，奉旨賞加一級。在東

。在南北洋面獲陳暮等一十四名及船一。十二月，升署南澳鎮右營守備。

四年己未三月，引見回國，隨護閩安協副將陳公名魁出洋，在北茭獲黃敬發等二十二名，銛礮三位。五年庚申正月，隨浙江定海鎮總兵李公長庚南下，在黑水外洋攻獲蔡牽黨翁圭等一十六名，並獲礮械籜牌多件。三月，李公爲福建水師提督，檄委府君護送冊封琉球，十一月事竣回省。旋管帶兵艦出洋剿賊。

六年辛酉六月，在金鄉南洋會同各營兵艦擊獲蔡牽黨陳高等九名，並船一。十二月，隨護閩安協副將陳公名魁在竿塘下目洋面圍擊蔡牽，礮斃賊目董泳，擒夥匪九十二名，擊沉奪獲船各二，礮械鉛藥共百二十七件。

七年壬戌二月，陞金門鎮左營遊擊。在肆礮、竿塘、嶼頭各洋面捕獲蔡牽黨孫太等六十三名，並船礮鉛藥一百三十餘件。五月，在東漁外洋圍擊蔡牽，擊沉奪獲船各一，獲夥匪徐業等百餘，礮械鉛藥九十四件。十月，隨金門鎮總兵何公定江在白嶼、鉤鈎按洋面先後拏獲呂送、鄭深等五十一名，並賊船礮械。下部議敍，奉紀錄十次，並管駕勝字一號艇舟在洋緝捕遭風溺水得生案內准加軍功一級。

十一月至九年甲子正月，隨署金門鎮總兵羅公江泰在南網、古雷、布袋灣洋面先後拿獲吳尙、朱卑等三十九名及船十、礮械等件。三月，又隨羅公在大嶝、蟳窟澳、東碇外洋與賊戰，礮傷左脇，仍奮勇攻擊，獲蔡方臺等一十六名及船一，救回商艘一，擊壞賊船一，並獲礮械無算。旋護澎湖水師副將。十一月，到澎收驗營務。澎者，臺灣之保障也，四圍皆海，一島孤懸。府君畫守禦策，首倡捐廉，並勸諭營員衿民捐資，於海岸砌石，修築礮臺，以遏賊衝。

十年乙丑正月，蔡牽竄入澎湖之虎井洋，逼岸欲登。府君督率弁兵，開放大礮，斃賊甚多。七月，閩浙總督玉公玉德委帶善字號十六哨艦巡緝北洋。八月，陞署澎湖協水師副將。九月，在水澳洋面攻捕蔡牽，擊沉船二，擒朱別等二十三名。先是澎湖口曾碎夾板番船，沈巨礮重三千斤者數尊。至是使善泅者探得之，祭以牲，駕舟

懸鐵鉤，悉力以取。既獲，而臺鎮爰新泰載置鹿耳門。十一月，蔡牽竄入臺灣鹿耳門，勾結岸匪，圍攻郡城。十二月，府君奉檄隨浙江提督李公長庚統帶舟師赴臺剿捕。蔡逆先沉舟塞鹿耳門。府君駕小舟由大港進安平，會同鎮道，雇募膠舟，率義首職員吳春貴、柯緯章、王得昌、林瀚等義民三百名以往。時有千總沈振源者獻火攻策。府君曰：『火攻惟賊連船窄港，計始可行。今海面寥闊，賊船又非連絡，我火攻舟至，彼帆颶開，一轉柁耳，不能害也』。李公是之。府君因請曰：『牽衆雖多，諸驍勁者皆已上岸。某所挑澎舟三十餘，益以金翅，出不意密薄牽船，必大獲』。李公從其計。十一年丙寅正月初五日夜二鼓，嚴軍往。戒諸舟勿燃燈。將近賊船，別將許某等所領舟皆後，惟府君舟至，直前奮擊。賊揚帆欲遁。府君急揮舟堵截，連施火箭，拋火罐焚之。衝鋒五次，以鉤鉤賊船。賊舉鉗傷府君左手指，左脇亦被賊鎗擦傷，弗之覺也，礮擊益猛。賊死傷殆盡，溺海無算。燒其船二十二、獲船九，擒首夥蔡正等一百六十八名，斬首級八，獲礮械四百二十六件。自辰至酉，始整軍而回。牽以是大奪氣。府君乘勝督舟進攻，燒船三，擒吳金等十一名。夜又攻獲船三。連日追燒船四，奪船一，獲牽弟蔡猶及其首夥，轟斃復百餘。府君知牽鋒挫甚，即會同鎮道水陸夾攻。時二月初二日也。舟次洲仔尾，覩岸上民兵勢參差，而東南氣甚惡，訝曰：『是不急策應，岸上梟賊必伏戎於莽，兵壯將弗支』。顧所領舟懸劈山礮十二尊，謂兵勇盍上岸摧其鋒。命衆各裸身，以衣裹頭，不虞我舟之猝至也，倉卒避遁，望岸賊竚，莫能應援，水陸隔阻。

。我兵即乘勢揮兵抵岸。適郡城白甲衣義勇數隊縱火焚賊營，併力協追，禽駭獸奔，擒林玉等十七名，馬六匹，礮械旗幟七十七件，並燒船數十。郡城圍解。蔡牽窮蹙欲奔，府君督率兵艦，會同舟師夾攻，獲船五，燒船九，傷斃下海無算，生擒八十九名，斬取首級十二顆，奪獲礮械二百九件。會東風作，蔡逆乘潮逸去。奉旨革去

一他其及記傳祿得王

頂戴，隨同李長庚戴罪立功。

三月，欽差將軍賽公賽冲阿渡臺。府君奉檄仍赴臺灣堵捕。五月，蔡逆竄鹿耳門。賽公令統帶兵艦十二、小澎舟二十，由鹿耳門出，與福寧鎮總兵張公見陞內外合勦。府君憤曩時之被逸也，先衝其堅。獲船十，擊沈十一，擒賊目林略、傅探及其黨二百餘名，割取首級一百餘顆，斃賊二千餘，搜獲「正大光明王」僞印，旗幟、鳥鎗、簾牌不計其數。賽公馳奏。八月，奉上諭：『賽冲阿奏臺灣舟師在鹿耳門攻勦蔡逆，大獲勝仗，殲擒賊目匪犯多名，王得祿着賞加總兵銜，並賞給四喜玉班指一個、大荷包一對、小荷包二個。欽此』。九月，閩浙總督阿公阿林保以府君果敢奮勇，可統兵獨當一面，面上聞，並奏委帶封僱商船三十五隻勦賊。十二月，追勦蔡逆於圍頭洋，獲李勇等九名，收回商船一。是月，奉旨補授福建福寧鎮總兵。

十二年丁卯正月，會同浙江提督李公攻勦蔡逆，追之於粵洋。四月，同廣東提督錢公夢虎協擊艇匪於急水門，撞沉船一，獲船一，擒羅二十等四十八名，起獲礮械六十一件。適南澳鎮總兵杜公魁光患病解任，總督阿公奏准調補，令過南澳接印視事。而府君追緝蔡逆，先已折回閩洋。六月，就洋接印。以巨盜朱漬竄往鹿港、淡水一帶洋面伺劫，隨率帶兵艦過臺。七月，至大雞籠，瞭見賊船潛匿港內，又謀知賊謀夜突官兵，乃率師直前攻擊。斃賊七百，獲船九，燒船二，擊沉船三，救回被劫商艘一。落海夥匪甚多。生擒林紅等十五名，起獲大小礮位十六門、鎗械一百七件、火藥四百餘斤。奉旨交部議敍，給與軍功加一級，紀錄二次。朱漬竄臺灣山後蘇澳番界，欲圖盤踞墾闢。府君雇募舵工十名，分配各兵艦追捕。九月，抵蘇澳，望見澳口窄狹，僅容進一、二舟。令火攻舟先行衝進焚燬，賊船，並令各兵艦排列澳口，用礮轟擊。二十日，復施放巨礮，自午至申，斃賊無數。賊乘夜逸去。我兵大加奮擊，獲船二，礁沉船一，燒沉船三，起獲大小鐵礮五門，長械牌刀七十三件，火藥二百餘斤，米二百四十餘包。澳口礁險溜急，黑夜之間，落海投死甚多。

。十一月，在古雷洋射殪著名賊目朱金，擒張祈等五十名，燒沉擊沉船三，獲飛墜大礮一門。奉旨交部從優議敍，並賞玉班指、荷包。尋准部議，給與軍功加三級。十二月，李忠毅公追牽於黑水外洋，飛礮中喉而殞，上大震怒，授府君浙江提督，並諭令總統閩浙兵船專勦蔡逆，爲李公雪讐憤，時十三年戊辰正月也。府君先追蔡逆於安南交界洋面，至五月始回浙江，受提督印。六月，調福建水師提督，七月接印任事。同總督阿公奏言，臺灣北路守兵單薄，請改興化協左營守備爲水師，移駐滬尾；以延平協左營守備移駐艋舺，轄陸路弁兵。從之。厥後啖夷船窺臺灣，艋舺營汛擊沉之。府君先事豫防而布置周密類如此。是年九月，獲白底賊船一，擒林兼等三十餘人。

十四年己巳正月，欽奉恩詔加一級。五月，在海壇外洋督率弁兵，砍死鳳尾幫盜首陳漢，獲黃則等七十五名，斬取首級十七顆，獲船一，犁沉一，起獲二千四百斤至百餘斤礮位十七門，並火藥器械。七月，在祥芝洋面遇粵省艇匪，揮兵艦追捕，及之於大岸外洋，獲楊阿豪等四十六名。又在烏坵外洋獲溫阿二等五十九名，並奪其坐船二，救回被劫商艘二。在海壇外洋獲柯目等十二名，並船一。八月，會同浙江提督邱公良功勦蔡逆於定海之魚山外洋。府君督兵艦專注蔡逆本船，乘上風併力攻擊，殲斃無數。逮暮，乃東南遁。兵艦連夜窮追。明日，仍據上風擊之。賊且戰且逃。傍午，逾黑水深洋，見綠水，賊將遁外洋。府君指麾閩浙各船駢於賊舟東以遏之。俄匪船與浙船篷索相糾，賊以綆鉤浙船，決死戰，矛貫邱公肺，浙船毀棟以脫。府君揮坐船斂近賊船，以隔絕諸舟之援。轉戰良久，忽賊礮傷府君右額及左手，暈絕。少蘇，大呼，連拋火斗入其舟，焚其尾樓。賊船失柁，遂以坐舟號「奠海駒」者犁沉之。牽及逆屬皆投海斃。事聞，十月奉上諭：『蔡牽在洋肆逆十有餘年，往來閩、浙、粵三省，擾害商旅，抗拒官兵，實屬罪大惡極。王得祿、邱良功協力奮追，殲除首惡。王得祿額角、手腕各受重傷，仍奮不顧

身，趕攏賊船，致該逆登時落海，厥功尤偉。着加恩晉封子爵，並賞給雙眼花翎，白玉翎管、白玉四喜搬指各一個、白玉大吉葫蘆牌一個、金纍絲搬指套一個、大荷包一對、小荷包二個。欽此』。尋准部行知，以恩旨晉封子爵，應行作何等秩，請旨。奉旨；『王得祿着封爲二等子，照承襲。欽此』。

十五年庚午四月，統師出洋。五月，在白畎極東深洋獲駱仔盧幫賊夥紀賞等二十八名及船一，起獲礮械火藥。時蔡逆餘黨聞府君出洋，陸續乞降，洋面少靖，六月回署，奏請陞見。九月，奉到硃批：『准來見。欽此』。咨請制軍委員接署。先後准咨已附片奏，俟陸路許提督文謨回任後再行進京。並奉到硃批：『所奏是。來年得暇，再行奏請。欽此』。時海盜猶有深滬即黃治者聚衆海壇一帶洋面伺劫。十二月，奏明出洋勦捕，匪船被追四散。十六年辛未二月，在烏坵外嶼獲鄭選等二十六名。又會同金門軍船獲曾廷等二十六名。仍督在洋鎮將上下兜圍。賊匪窮蹙，乘夜棄船登山奔逃。護遊擊林兆鳳追至深滬，治及夥黨均就獲。奏請回署料理營伍，並欽遵前奉硃批，再行奏請陞見。摺差中途失水，謹另繕聲明補進，仍統師在洋勦捕餘匪。五月，在洋芝外洋督同金門鎮拏獲吳厚笨七十八名、賊船一，起獲鎗械等件。六月，在金門山後追獲賊船一，盜匪越山奔逃，令兵丁駕杉板上山搜獲李納等。六月，奉硃批：『准來見。欽此』。隨於七月起程，九月二十七日抵都。詣宮門，蒙召見十六隻，鹿仔港、八里坌口各八隻。得旨允行。

府君以廈門內港，巡緝所關甚鉅，奏請動撥房租銀兩造補槳哨巡船。略言：『廈門一島，依山臨海，爲全閩要口。內海港汊紛歧，商旅往來絡繹，匪徒伺劫堪虞。向設槳哨巡船一十九隻，編列「江河千載謐」字號，分配提標五營弁兵駕坐巡緝。遇折造大小修及年需篷索銀兩，在提營歲收房租項下動用。嘉慶四年，各船修造屆期，前任提臣李南馨咨部請修。工部因川楚軍需，令將可緩之工暫行停止。迄今又十餘載，擋泊江干，風雨飄搖，盡皆口朽。臣蒙調補福建水師提督，履任後察看閩洋大盜，皆係濱海匪徒，駕坐白底小船，先在內港伺劫。聚有夥黨，乃漸次入海爲盜。欲清洋盜之源，巡港甚爲緊要。出洋大船不能在港緝賊，自當仍造槳快船隻，以利緝捕。先經札商前督臣阿林保，就房租提銀一千兩，因時制宜，趕造桿頭一丈三尺五寸槳快五隻，分撥五營，派配弁兵巡緝。前督臣方維甸具奏在案。嗣因港道繁多，不敷巡緝。奴才又捐造五船。遭風擊碎一隻，尚存四隻。並前項共九隻。配兵巡查各港汊，聲勢仍不

名。八月，在劈頭、小麥等洋追勦塘沙五賊幫。賊匪被迫奔竄，一船沖礁擊碎，夥黨落海，獲陳加舵等四十六名及船四，起獲礮械火藥。時吳屬幫匪皆就擒，而黃茂餘匪亦節次被舟師攻剿殆盡。茂窮蹙換坐小船，潛逃鳳山縣之瑤璣極南洋面。

一他記及傳祿得王

聯絡。當此緝捕吃緊之際，急應添造小哨十隻，以資巡緝而符原額十九隻之數。查原設槳快船十九隻內，桿頭自一丈四尺至七尺不等。今新造五船桿頭一丈三尺五寸，捐造四船桿頭一丈二尺三寸。所有現請補造十船，若照原設桿頭七、八尺之船，過於細小，不能多配弁兵礮械。如以一丈三尺五寸爲率，而海內港汊深淺不同，未免於窄港淺水有礙。奴才謹按各處港道情形，酌中定議，請造桿頭九尺五寸之船十隻。同前各船，大小分配巡緝，俾淺深海汊，寬狹港道各得適宜，以仰副皇上慎重海疆之至意。所需料價，由廈門房租撥用』等語，亦得旨行。

旋奏赴臺灣閱兵，並就近督緝黃茂賊船。旣抵澎臺，將水陸營伍官兵及地方情形次第巡閱。駐節數月，回家僅一、二次。豫請十日假展墓。又感念我伯母許氏扶持植立功，特請貤封一品夫人，贍我伯父振威將軍。時不孝朝綱已能屬筆爲文，府君曰：『汝父以戎行歷受天恩，汝等終當讀書致身，期以文章報國，始完吾志也』。七月內渡。

府君以福寧鎮標水師弁兵不敷派用，會同閩浙總督汪公志伊，奏請分別調撥。略言：『福寧洋面遼闊，北接浙江，東對臺灣，商船之所必經，左營所轄，島嶼分歧，所有三沙、五澳、杞門、嵙山等處，均爲盜船往來遊弋之所。查該鎮左營，自嘉慶七年改爲水師，額設遊擊、守備、千總各一員、把總二員、外委一員，額外外委一名，兵丁、舵工七十名，內除舵工、炊糧三十六名抽撥臺灣艋舺營外，實兵六百五十六名。該營現在出洋兵船一十三隻，按照每船應撥駕弁一員，共需千、把、委弁一十三員，配兵七百餘名。將全營派配，尙屬不敷。且該營三寨六汛以及隘口軍藥局房均需派防戍守。請於提標續募水兵撥出三百名，再於福寧中、右二營內撥千總、把總各一員、外委二員、額外外委二名，歸左營作爲缺額，以重洋防而資巡緝』。旨從之。又奏閩安協及銅山營舊隸金門鎮，水陸

程途相距遙遠，聲聲換散。請以閩安協隸海壇，銅山改屬南澳。得旨如所請。八月，奏明回廈。黃茂續經臺灣鎮道拏獲，閩海肅

十九年甲戌十一月，奏請陞見。二十年乙亥二月，奉到硃批：『准

來見。欽此』。適閩浙總督汪公志伊入覲，准咨：『卸事時附片奏明，貴提督請俟回任後進京』。四月，前赴海壇、閩安、福寧、烽火等營巡閱。八月回署。函商總督汪公，請委署提篆，交卸進京。旋准咨會，以奏查海洋尚有土盜洪啓大、陳鴻來、七七、大板四等幫出沒伺劫，應暫緩進京陛見，俾往來南北洋面，督率各鎮將勦捕。府君即於九月統師出洋督捕，並派小哨扮商及密差員弁購線，分赴沿海訪緝。十一月，在前坂鄉獲陳振。二十一年丙子，先後獲王歇仔、廬桃桃諸賊。五月，在藍鴉鄉獲接濟奸民藍胖等。閏六月，誘獲陳準、洪崑山、李飽等。七月十九日巳時，我母范夫人卒於廈門官署，不孝朝綱摒踊欲絕，府君一撫視之，旋即出洋。九月，在野馬洋獲陳勤等，並賊船礮械。

二十二年丁丑九月，拜摺籲請陞見。十二月，奉到硃批：『俟許文謨回任後汝再起身，必不同來，致曠職守。欽此』。二十三年戊寅

四月，府君出洋督緝，順閱金門、南澳等營。事竣，適陸路提督許公回任，應遵旨進京。咨請制軍委員署篆。七月，卸事進京。恭逢皇上再舉謁陵大典。十月初二，迎赴行在，叩接聖駕。是日奉上諭：『王得祿前在海洋，著有勞績，着加恩照一品蔭生例賞給五品職官，聽其於諸子中擇一人承蔭。欽此』。並蒙俯准扈蹕至興隆寺，隨班叩祝萬壽。賜宴聽戲，賞賚白玉如意，四喜搬指、錦緞、帽緯等物。十月初六，陞辭出都。十二月到廈門接印視事。以不孝朝綱承蔭。

二十四年己卯正月，恭迎覃恩加一級。四月，出洋督緝，並查閱海壇、閩安、福寧、烽火等營。五月回署。二十五年庚辰，例閱金門、南澳、銅山等營。府君遂於四月出洋督緝，順閱南澳、銅山兩營，巡查北上。五月，在洋接准總督董公咨會，令循舊例赴臺校閱營伍，稽查地方。六月，抵臺灣府城，周歷巡察南路。並因嘉義縣屬劫案頻仍，噶馬蘭洋面土盜出沒，隨在臺督緝。並選派紳衿總理

一 獻 文 澳

，設法訪捕。先後拏獲陸路劫匪洪寸等八十六名。聞拿投首者七名。又拿獲洋匪盧添賜等三十一名。八月，恭讀仁宗睿皇帝哀詔，府君感受恩遇之隆，同臺灣鎮道各官奔赴明倫堂哭臨。十月，返澎湖考校官兵。十一月回廈，以補閱金門官兵彙奏。十二月，准部行知，嘉慶二十五年八月二十七日恭逢皇上登極，欽奉恩詔：文官在京四品以上，在外三品以上，武官在京二品以上，照現任品級各蔭一子入監讀書，以不孝朝綱承蔭。同日欽奉恩詔加一級。

道光元年辛巳正月，奉上諭調補浙江提督，具摺謝恩，並懇請陞見道。二月，迎旨北上，在浙江蘭溪縣途次，奉到硃批：『知道了。欽此』。五月初四日，陞見。初五、初六等日，又蒙召見，賞克食三次。陞辭出都。謹遵諭旨，恭赴昌陵叩頭展哀忱畢，起程赴任。六月，行抵浙江寧波，接印任事。

二年壬午，因傷病交發，六月，奏請解任，回籍調理。八月，奉上諭：『王得祿着准其解任，回籍調理，俟病痊之日來京候旨補用。欽此』。是月交卸回籍。

五年乙酉，不孝朝綱登鄉薦。時直隸旱荒，府君遵旨運米赴天津平糴。又倡修鳳山縣城，捐銀二千兩。奉上諭：『王得祿倡捐義舉，着交部從優議敍。欽此』。六年丙戌四月，病痊，赴郡配渡。適彰、嘉匪徒滋事，臺灣道孔公昭虔移會帶兵並捐資募勇赴嘉協勦，拏獲匪犯，訊出股首吳媽隨、陳烏礪、王媽興等，購線擒獲多名，地方以安。七年丁亥三月，內渡。八月，抵都銷假，恭請聖安。蒙召見後，奉上諭：『着回籍候旨補用。欽此』。是年不孝朝綱隨侍入都，由蔭生赴部引見，奉旨着內用，僉分刑部學習行走。府君諭曰：『我家世受天恩，今汝又分部當差，務須勤慎供職，力圖報國，以慰吾望也』。十月，府君旋閩後，寄家廈門數載，雖頤志山林，而桑梓痛癢，無不刻刻相關。

十二年壬辰九月，嘉義亂民張丙等戕守殺將備，劉鎮軍廷斌困於嘉義，全臺震動。府君得警報，投袂起曰：『吾年十七從戎，殲滅巨寇，身經百戰，么麼賊乃敢猖獗至此耶』！亟見制軍曰：『某雖老

，尙能爲國家縛賊』。即自內地雇募義勇五百人，同水師官兵經渡嘉義之撲仔腳登岸。欽奉上諭，着督臣傳旨褒嘉。十二月抵郡，帶領兵勇赴嘉，督率弟姪拏獲股首張紅頭等四十餘名。十三年癸巳五月，經欽差大臣瑚公、總督程公會奏，奉上諭：『瑚松額等奏前任提督王得祿親赴嘉義各莊勸諭紳老聯莊捕匪，並親督家屬義勇，捐資購線，計先後擒獲要犯張紅頭等並俘匪四十餘名等語；該提督始終勤勉，爲國宣勞，洵堪嘉獎。王得祿着加恩賞加太子少保銜，以示朕着念勤勤至意。欽此』。即具摺謝恩。六月，總督程公凱旋。

紳士以嘉邑城垣爲張丙所躡，間段坍塌，難資守禦，呈請捐修。程公面屬府君籌捐督修。即命不孝朝綱率工改建石塊，重新拆造四門城樓，添建月城敵臺。周圍城根，挑挖濠溝，建設吊橋。嗣又念歷次擾亂，城中屢乏食，倡議創建義倉六十間，存貯穀石二萬，以備兵荒。城樓設立義塾，延師訓課，聽城廂內外無力子弟從學其中，修金諸費，取給於歲收城內之店租、城濠之魚稅焉。邑舊有書院，久廢。道光初年，府君命嫡堂兄朝清同不孝朝綱等捐鑑五千圓，興築玉峰書院於城南門外朱子祠旁，延師主講，月課生童。至是被賊蹂躪。又命朝清子源懋鳩金踵修，以復舊觀。並令曩日死事諸義官，如周公承恩、張公榮森，皆勇烈可風，爲立祠歲祀，期人心知所感奮。

十六年丙申十月，嘉義奸民沈知等，始則藉歉搶糧，繼則戕害弁兵，攻擾下加冬，大埔林等汛。府君督率兵丁義勇，捐給口糧，幫同文武安良捕匪，守城策應，擒獲股首黃天水、賴煥、楊亨、黃萬等。又續獲賴三、張老等三十餘犯。匪徒逃散，地方安謐。十八年戊戌三月，閩浙總督鍾公鍾祥奏奉上諭：『前任提督王得祿督率兵丁義勇，捐糧捕匪，守城策應，洵爲知義急公。着晉加太子太保銜，仍交部從優議敍。欽此』。是年，不孝朝綱由刑部郎中蒙恩簡放廣東高州府知府，均具摺謝恩。

二十年庚子，府君命不孝朝綱入都供職，簽分戶部學習行走。是年八月，在嘉義接奉七月間兩次上諭，節令在臺會同鎮道商辦防夷事

一他其及記傳祿得王

務。九月，府君在郡覆奏遵旨會辦防夷一摺。十二月，不孝朝綱蒙恩擢授山東濟東泰武臨道。府君具摺謝恩。二十一年辛丑二月，奉到上年十二月硃批：『勉力防守。設有逆夷侵犯，相機痛勦，以彰國威。欽此』。五月，奉旨移駐澎湖，專辦防夷事務，蒙恩予提督養廉。府君隨率帶鄉勇三百四十名赴澎湖協勦。在澎半載，每日親自督率員弁勇分合操演鎗礮技藝。又於海邊築造石城，以防夷舶鬪至，爲我軍遮蔽捍禦之地。部署一切，已有條理。九月十八日戌時，我繼母陳夫人卒於嘉義內寢，府君伉儷情悲，遣人回家料理喪務。十二月，復准臺灣道姚公咨開：『十月十一日廷寄臺灣鎮，奉上諭：前任提督王得祿駐劄澎湖，現在臺灣地方緊要，該提督威勇素著，熟悉海洋，着即移駐臺灣，協同勦辦。其澎湖防守事宜，已諭令顏伯燾派員更替矣。欽此』。甫接咨而府君積受海風，十月間忽成痰厥之證，時作時愈。至二十六日病益劇，醫者言風邪中理，恐不起。即口授家人遺摺云：『竊奴才自上年遵奉諭旨，在臺灣會同鎮道商辦夷務。本年六月移駐澎湖。當將自練壯勇三百四十名帶至澎湖，更挑選水師兵丁七百名、鄉勇三百名，同自練壯勇，親督合操，教演鎗礮技藝。商同副將詹功顯，將外洋各小嶼防兵調回緊要隘所。部署甫有頭緒，兵勇操練亦皆嫻熟，詎因積受海風，十月間忽成痰厥之證。自以受三朝厚恩，每聞逆夷猖獗，切齒憤誓，期殄滅醜類，不敢偷安，病體稍痊，照舊親自訓練。究以氣血虧耗，日見衰憊。十二月中旬感冒風寒，至二十六日痰證復作。醫生言積勞年久，氣血早虧，風邪中入甚深，病在不治。伏念奴才自乾隆五十二年捐貲募勇，從參贊大臣海蘭察征討林爽文，蒙高宗純皇帝恩賞花翎，以五品銜充福建督標千總。嘉慶元年改用水師，窮歷閩、粵洋攻討大幫海寇，大小數百戰，幸皆克捷。嘉慶十三年，蒙仁宗睿皇帝補授浙江提督，總統閩浙舟師，專勦賊蔡牽。十四年，蔡逆殲除，蒙恩錫封二等子爵世襲，賞戴雙眼花翎。二十三年，長子朝綱蒙恩賞給五品職官。道光元年，次子朝倫再承恩蔭。道光二年，浙江提督任內病假回籍。七年，病痊，入京贍覲天顏。十二年臺

灣逆賊張丙、十六年逆賊沈知兩次作亂，先後協同文武討平，歷蒙皇上天恩，加太子太保。本年，長子朝綱由廣東高州府知府蒙恩擢授山東濟東泰武臨道。次子朝倫以候選員外郎捐修嘉義縣城工，蒙恩議敍在部。奴才自顧何人，一門疊荷寵榮，有加無已。復屢蒙諭旨，俾同鎮道籌勦逆夷，方思終竭駑駘，滅此寇讐，何期福過災來，不克遂奴才之志。此身雖沒，此心不灰。生未能殲夷逆，死當爲厲擊賊。奴才此次來澎，僅攜第六子朝經幫同操練兵勇，遺屬諸子各矢忠勤，圖報高厚鴻慈於萬一。更望沿海各省迅奏膚功，殄滅逆夷，仰紓宸廑。所有微軀不能報効，感激下忱，伏枕哀叩，恭謝天恩』。越日，薨於澎湖行營。嗚呼痛哉！家屬齊遺摺赴制軍行臺附驛代奏。

二十二年三月奉上諭：『原任浙江提督王得祿，自乾隆年間募勇從征，著有勞績。嘉慶初年，改用水師，歷討閩、浙、粵洋海寇，身經百戰，疊建勳勞，蒙皇考仁宗睿皇帝擢任提督，錫封子爵。該提督因病乞休，兩次在籍幫同勦平逆匪，朕特賞加太子太保銜，以示優眷。上年逆夷在閩滋擾，該提督親練壯勇，駐劄澎湖，協同堵勦。方冀爲國宣勤，長承恩眷，茲聞溘逝，軫悼實深！着加恩追贈伯爵，晉加太子太師銜，照提督例賜卹，並賞銀五百兩經理喪事，即由福建藩庫動支，發給該家屬祇領。任內一切處分悉予開復。應得卹典，該衙門察例具奏。其應襲二等子爵，着該部照例辦理。欽此』。禮部奏請應否予謚，旨准其與謚。嗣奉圈出「果毅」二字。恭錄諭祭文：『朕惟海疆戢浪，久資緩靖之才；夜壑沈星，深惜老成之謝。許休閒於晚歲，恩渥生前；加優卹於重泉，禮隆身後。爰頒綸綺，式煥尊罍。爾晉加太子太師銜、追贈伯爵、原任浙江提督王得祿，勇敢性成，赳桓材裕。由武庠而奮跡，夙徵豹略之嫓；募義勇以從征，聿著鷹揚之績。累經拔擢，久効馳驅。護封冊於琉球，勤宣屬國；奏膚功於閩浙，威振海邦。伏莽銷鋒，偉抱已昭於陸路；凌波習陣，崇階復界以水師。值蔡逆之鴟張，勵戎行而虓怒。方遇鵝鶴，迅掃鯨鯢。執郡醜於樓船，風清鹿耳；沈渠魁於溟渤，

一 獻 文 澳

星斂旄頭。皇考眷乃成勞，嘉其茂烈，特擢提臣之重寄，旋膺穀璧之榮封。寵賁龍章，蔭承一品，翊彰翠羽，襯暉雙輝。洎朕嗣位之初，正爾引年之日，勉僉解組，俾遂歸田。負宿將之威名，老猶克壯；率知方之勁旅，賊盡成擒。酬厥勳庸，加之宮秩。嗣以西夷不靖，東土遄征。爾復親練水犀，身先倉兕。霜戈畫指，遏賊焰於澎湖；畫角宵鳴，聯軍聲於廈島。方殷嘉賴，遽告淪殂，軫悼實深，瞻懷靡已。晉宮師而銜超保傅，錫伯爵而位並信桓。憫其任職之勤，既還鑄級；鑑彼持躬之約，復賚帑金。襲嗣以延庥，易嘉名而賜謚。謚於戲！身經百戰，允懷忠誠報國之心；續懋三朝，益勵夙夜在公之節。陳茲芬苾，尚克歆承』。

府君生於乾隆三十五年五月二十一日巳時，薨於道光二十一年十二月二十八日卯時，享壽七十有二。先娶嫡母氏范，繼娶母氏陳，均封一品夫人。庶母吳氏、陳氏、許氏、黃氏、楊氏、林氏、葉氏、葉氏、陳氏。子十。長不孝朝綱，范夫人出，任山東濟東泰武臨道，娶俞氏，山西雁平道名恒潤公主。次不孝朝綸，陳夫人出，候補戶部員外郎，娶倪氏，原任福建興泉永道名琇公主。次朝輔，許氏出，候選通判，娶林氏，原任福寧府學教授名馨公主。次朝弼，吳氏出，邑庠生，早卒，娶張氏。次朝緯，陳氏出，邑生，議敍縣丞，聘鄭氏，禮部員外郎名用錫公主。次朝經，林氏出。次朝紱，葉氏出，聘劉氏，軍功五品頂戴名高山公主。次朝斌，葉氏出。次朝文，楊氏出。次朝武，黃氏出。俱未聘。女四：長適漳浦廩貢生蔡珪璋，次適臺灣庠生鄭德麟，餘未字。孫六：長庚、長隆、長瑞，朝綱出；長齡、長禧，朝綸出；長英，朝弼出。女孫二：一朝綱出，一朝綸出。

不孝等知識庸愚，於府君功業勤勤，不能仰窺萬一。茲當苦次之際，顛然失據，挂漏必多。惟平日聞府君頻誦聖主知遇之隆，捐糜頂踵，莫酌高厚。迨身後復蒙優卹曠典，亘古罕倫。不孝等感戴天恩，益無既極。伏念府君生平事實，例當上之國史館，以備采擇，若不手自紀述，則不孝等罪戾滋重。又不敢稍涉粉飾。謹就聞見所及

不手自紀述，則不孝等罪戾滋重。又不敢稍涉粉飾。謹就聞見所及

，倘陳梗概。伏冀當代立言大人先生，錫之碑表銘誄，寵光泉壤，則不孝等世世子孫，感且不朽。孤哀子王朝綱等泣血謹述。

賜進士出身誥授通議大夫廣西按察使司按察使愚弟姚瑩頓首拜慎諱

(二)「澎湖續編」中「王得祿列傳」

「澎湖續編」，二卷，道光十二號蔣鏞所纂。「王得祿列傳」收於卷上武備記中。此書之纂修時，王得祿尚健在，依例應不得撰

傳，惟其名以「續編」，當可視為資料之彙輯而已。茲錄后。

王得祿列傳

王得祿，號玉峰，嘉義人；澎湖副將。整飭營任，賞罰嚴明。嘉慶九年，因蔡牽在洋滋擾，就媽宮一帶自水仙宮起，至西城外止，沿海尋石爲埠，以咨堵禦。所需石工，由營自行捐辦，並無動報銷。嘉慶十年，蔡逆匪船攻岸，衆心惶恐，公督率兵民晝夜防禦，擊退。至今，民思念之。累陞水師提督，以剿滅蔡牽有功，晉封子爵。

(三)「清史稿」中「王得祿列傳」

「清史稿」，凡五百三十六卷，近人趙爾巽、柯劭忞等纂修。「王得祿列傳」載於「諸王」下面。又近刊「清史」亦有「李長庚、王得祿、邱良功、許松年、黃標合傳」，內容全部與「清史稿」相同；間僅「倡亂」改爲「起事」，「賊」改爲「敵」等數字之差而已。茲錄「清史稿」所收全文於后。

王得祿列傳：

王得祿，字玉峰；福建嘉義人。林爽文倡亂，陷縣城。得祿家素豐，捐資募鄉勇，助官軍復之；授把總。明年，賊復圍城。從總兵柴大紀固守；及圍解，率鄉勇搜捕大坪頂等處餘匪，焚琅嶠賊巢。渠莊大田就禽，臺灣平。賜花翎五品頂戴，遷千總。

嘉慶元年，巡洋至獮窟，遇賊，得祿先登，禽吳興信等。歷年出洋捕海盜，號勇敢，累擢金門營游擊。

一他其及記傳祿得王一

七年，從李長庚擊蔡牽於東滬洋，擒賊目徐業等百餘人，又擒呂送於崇武洋。被獎敍。九年，從總兵羅仁太出擊於虎頭山洋面，獲船械甚多。十年，擊蔡牽於虎井洋，敗之；署澎湖協副將。九月，遇牽於水澳，焚其舟，擒殲朱列等百餘人。

十一年春，牽入臺灣，圍府城。李長庚令得祿與許松年駕小舟自安平港入偵之；帆檣彌望，夜縱火焚敵舟，遂入屯柴頭港。明日，賊自洲仔尾攻府城北門，得祿率兵躡其後，大呼以前，敵驚却。城內軍出來攻，大敗之。乘勝至洲仔尾，破其營，敵乃遁。五月，牽復竄鹿耳門；得祿首先衝擊，獲船十，沈船十一。敍功，加總兵銜，尋擢福寧鎮總兵。

十二年，調南澳鎮。七月，敗朱瀆於雞籠洋，獲船十四。十一月，又敗其黨於古雷洋，射殪賊目朱金，擒張祈；被獎敍。未幾，李長庚戰歿，命得祿與邱良功繼任軍事。

十三年，擢浙江提督；既而調福建，邱良功代之。時阮元再任浙江巡撫，張師誠爲福建巡撫，兩省合力，得祿與良功同心滅賊。十四年八月，同擊蔡牽於定海漁山，敗之；牽東南走，追至黑水洋，合擊累日。良功以浙舟駢列賊舟東，得祿率閩舟列浙舟東；戰酣，良功舟傷暫退，得祿舟進附牽舟，諸賊黨隔不得援。牽鉛丸盡，以番銀代；得祿額腕皆傷，擲火焚牽舟尾樓，復衝斷其舵。牽知不免，舉礮自裂其舟，沈於海。詔以牽肆逆十有四年，渠魁就殲，厥功甚偉，錫封得祿二等子爵，賜雙眼花翎。餘黨千二百人後皆降，海盜遂息。得祿爲福建提督歷十載，屢疏陳緝捕事宜，改定水師船制，皆如議行。

二十五年，調浙江提督。道光元年，乞病歸。十二年，臺灣張丙起事，得祿率家屬禽張紅頭等；加太子少保。十八年，臺灣沈和肆掠，輸糧助守；晉太子太保。二十一年，英吉利犯廈門，命守澎湖。次年，卒。贈伯爵，謚果毅。次子朝綸襲子爵，官戶部員外郎。

四「清史列傳」中「王得祿列傳」

「清史列傳」，凡八十卷，約一千九百七十餘傳，中華書局輯印。」「王得祿列傳」載於原書卷三十九「大臣傳續編」（四）。記述不簡不繁，頗可取材。茲錄於后。

王得祿列傳

王得祿，福建嘉義人。乾隆五十一年，臺民林爽文等倡亂，陷嘉義城；得祿以武生捐資募勇，從官軍克復縣城，授把總。五十二年九月，林復圍城，得祿隨總兵柴大紀督兵固守；以功，加千總銜。十一月，將軍福康安帥師渡臺救援嘉義，圍解；得祿帶領義民搜捕大坪頂等處餘黨，疊有殲獲，賞戴藍翎。五十三年，擊之於琅嶠，焚其寨，擒羽黨莊大田；臺灣平。敍功，賞換花翎並五品頂帶。六十年，遷福建督標右營千總。

嘉慶元年五月，調督標水師營千總。十月，出洋巡緝，遇賊於獺窟；得祿首登船，獲首逆吳興信等八人。二年閏六月，在斧頭外洋擒盜莫阿三等，燬其舟。八月，擊沈盜船於竿塘洋，斃賊十餘，擒賊二十餘。三年，追賊洪接等於白大洋，盡殲之，奪獲船隻、礮械；下部議敍。四年，升南澳鎮左營守備。六年，獲盜陳高等二十餘人於金鄉洋。七年二月，擢金門鎮左營遊擊。時洋盜蔡牽、朱瀆等分擾各洋，勢張甚；得祿隨浙江提督李長庚擊之。五月，擊蔡逆於東滬洋，沈其船二，獲賊目徐業及其黨百餘人。十一月，遇盜船於崇武洋，沈其船一；餘盜逃竄，得祿奮力追蹤，奪獲船隻、礮械、火藥甚多。十年五月，蔡逆竄澎湖之虎井洋，逼岸欲登；我兵迎擊，克之。八月，陞署澎湖協副將。九月，遇蔡逆於水澳洋面，擊之燬其船二，殲賊百，擒朱列等二十餘人。十一月，蔡逆竄臺灣勾結岸匪，圍困府城；李長庚檄得祿守洲仔尾，以斷岸匪之援。十一年正月，敗賊於柴頭港。二月，乘勝破洲仔尾賊巢，斬獲匪黨；以未獲其酋，褫頂帶，仍責令戴罪立功。五月，蔡逆復竄鹿耳門；得祿率兵船首先衝入賊隊，獲船十、沈船十一，擒賊目林略、傅琛及其黨二百餘，殲賊千七百人。捷聞，賞加總兵銜。十二年，擢福寧

鎮總兵。時蔡逆由竿塘西竄，得祿擊走之。十二年六月，調南澳鎮總兵。七月，追擊渠盜朱漬於雞籠洋，斃賊七百，獲船十四。十一月，偵知朱漬黨在宮仔前、礮壳澳一帶遊駛；我師追蹤至古雷洋，得祿手發一矢，射殪賊目朱金，復擲火斗焚燬賊船，俘賊目張祈及夥賊五十餘。奏入，賞玉搬指、荷囊，並下部優敍。十三年正月，授浙江提督。六月，調福建水師提督；偕總督阿林保奏言：『臺灣北路守兵單薄，請改興化協左營守備爲水師，移駐滬尾；以延平協左營守備移駐艋舺，管轄陸路弁兵』。從之。九月，獲白底賊船一，擒林兼等三十餘人。十四年四月，擊鳳尾幫船，殲其渠；乘勝追逆於海壇洋，斬俘甚衆。八月，剿蔡逆於定海之漁山；轉戰至黑水洋，圍蔡逆船，併力攻擊。賊不能遁，決死戰，鉛丸盡，以番銀作礮子；得祿中礮傷，仍揮兵火其尾樓，復斷其舵。賊船覆，蔡逆及逆屬並落海死。奏入，諭曰：『蔡牽在詳肆逆十有餘年，往來閩、浙、粵三省，擾害商旅、抗拒官兵，實屬罪大惡極！王得祿協力奮追，殲除首惡；額角、手腕各受重傷，仍奮不顧身，趕攏賊船，致該逆登時落海，厥功尤偉。著加恩晉封子爵，並賞戴雙眼花翎』。十五年，殲餘匪於東碇外洋。十六年，搜獲海盜黃治羽衆鄭選等於烏坵嶼。十七年，吳屬、黃茂等賊匪在洋肆劫，官運臺穀被掠；降旨申飭。時得祿親率舟師追剿，賊窮蹙；旋於烏坵獲賊目周興等四十餘人。十八年，以鹿耳門、鹿仔港俱多暗沙，不利巨艦；奏請「倣同安梭式以爲守、倣八槳艇式以爲巡，底平腹寬，深淺可涉」，從之。又奏『閩洋大盜皆瀕海匪徒，鈔掠內港，聚黨入海；欲清洋盜之源，巡港爲要。應添造小哨船十隻，以資巡緝』。又奏：『福寧鎮水師左營所轄，北接浙江、東對臺灣，爲商船必經要道。應於提標所募水兵內撥三百名並於福寧鎮右營及督標水師營撥千總、把總、外委七員歸入左營，於緝捕尤爲有益』。又奏：『閩安協及銅山營舊隸金門鎮，水陸程途相距遙遠，聲勢渙散；請以閩安協隸海壇、銅山改屬南澳』。均如所請行。二十三年，入覲，上以得祿前在海洋著有勞績，照一品蔭生例，給其子一人五品職官。二十五

年，擢浙江提督。

道光元年，因病陳請休致；允之。十二年，臺民張丙構亂，得祿赴嘉義各村勸諭固守，並親督家屬獲要犯張紅頭等；賞加太子少保銜。十八年，嘉義縣亂民沈和等糾饑民搶掠，得祿輸糧、練勇，協力守城；晉太子太保銜，下部優敍。二十一年，英人擾廈門，命得祿駐守澎湖，協同防堵。

二十二年，卒。遺疏入，諭曰：『原任浙江提督王得祿，自乾隆年間募勇從征，著有勞績；嘉慶初年，改用水師，歷討閩、浙、粵洋海寇，身經百戰，疊建勳勞。蒙皇考擢升提督，錫封子爵。嗣因病乞休，兩次在籍幫同剿平騷亂。上年逆夷在閩滋擾，該提督親練壯勇，協同堵剿。方冀爲國宣勞，長承恩眷；茲聞溘逝，軫悼實深！著加恩追贈伯爵，晉加太子太師銜；照提督例賜卹，賞銀五百兩經理喪事。應得卹典，該衙門察例具奏』。尋賜祭葬，予謚「果毅」。

子朝綱，舉人，山東濟東泰武臨道；朝綸，戶部員外郎，襲子爵。

(五) 「臺灣通史」中「王得祿列傳」

「臺灣通史」，凡三十六卷，近人連橫撰。「王得祿列傳」收於卷三十二列傳之四。此書所載王氏列傳，似係摘自「行述」，但亦有他著所無者，如：「遂遷諸羅溝尾莊」中的「溝尾莊」，則獨連著有記載而已。又近修「臺灣通志稿」及「臺灣通志」等書收「王傳」者，均以此書爲藍本，由此可見連著影響之大，故特錄后以備考。

王得祿列傳

王得祿，字百達，號玉峰。先世居於江西南城；曾祖奇生以千總隨征朱一貴，陣歿鳳山，賜恩騎尉，遂遷諸羅溝尾莊。年十五入武庠。乾隆五十一年冬，林爽文起事，陷諸羅，得祿走府城乞師，遂募義勇五百以待。五十二年十一月，大將軍福康安復諸羅，從戰有功。隨攻大里杙，躍馬先渡；後軍繼之，遂破堅壘，爽文竄內山。康

一他其及記傳祿得王

安率軍進，命隸汀州鎮總兵普克保麾下。及平，賞戴花翎，以千總實缺用。六十年，補督標右營。陳周全之變，隨閩浙總督伍拉納入臺，事畢而去。


當是時，閩粵海上多盜，而蔡牽、朱漬爲之魁，劫船越貨，商務阻遏。閩浙總督檄銅山營參將李長庚平之，得祿從，頗殺賊。嘉慶五年春三月，長庚爲福建水師提督，一意剿盜，而得祿與邱良功爲之輔。四月，護送封舟赴琉球。十一月，回省，旋率兵艦出洋，時有殺獲，以功晉級。九年十一月，護澎湖水師副將。時牽有窺臺之意，而澎湖爲臺之門戶，孤懸海上，乃籌守備、討軍實、築礮臺，以防侵擾。十年春正月，牽至，入虎井嶼。將登岸，得祿禦之。八月，署澎湖副將。十一月，牽入鹿耳門，勾結陸盜，攻圍府治。得祿隨長庚赴剿。牽沈舟以阻，而自屯岸上。得祿知大港可達安平，自駕小舟入，與鎮道會商剿圍之策。嗣與義首吳春貴、柯緯章、王得昌等率義民三百，十一年春正月初五日，嚴軍行。戒諸舟勿燃燈，既迫，始奮擊之。牽揚帆欲遁，得祿揮舟堵截，擲火罐、火箭以焚，烈焰漲舟，賊驚惶，多墜海死。燬船二十有二，獲其三，擒股首蔡正等百六十八人，斬首八，陣鹵器械無算。牽以是奪氣，然猶據險守。二月初二，船次洲仔尾，睹岸上民兵參差，而東南氛甚惡，訝曰：『不趣援，賊必伏我於莽，兵勇將不支』。所領舟置劈山礮十二尊，揮衆上岸，舉礮擊。戒曰：『視吾旗進退』。時潮將落矣。每舟以善泅者六人扶之進，麾旗放礮。賊果伏莽中，不虞軍官之猝至也，爭走。而水陸阻隔，莫能援；城中義勇又數隊至，賊逾窘，縱火燬其營。牽大敗，謀遁走，港塞不得行。初六日，風潮驟漲，遂被逸。長庚及得祿追之，不及，奪船十餘，頗斬獲，詔革頂戴。三月，將軍賽沖阿渡臺，仍命剿堵。五月，牽復泊鹿耳門，賽沖阿令得祿率兵小船十二、艍舟二十，出戰。與福寧鎮總兵張見陞內外合攻。得祿憤前之被逸也，鼓勇而進，衝其中堅，獲船十，擊沈十一，擒股首林略、傅琛及徒二百數十人；牽敗去。詔加總兵銜。十二年春正月，會浙江提督李長庚剿牽於粵洋，頗斬獲；嗣調南澳

鎮總兵。至銅山，聞朱漬竄鹿港，追之；七月，至雞籠。見漬舟潛匿港內，又諜知夜突，驟擊之，斬賊七百，獲船九，燬二，擊沉三，救回商船一。漬敗竄蘇澳，謀據地久居。復追之。見港狹，以小舟載火具入，伏巨艦於港口；縱火焚，漬舟爭出，開礮擊之，狼狽走。沈舟三，獲一，器械無算。漬乃東去，自是不敢犯臺灣。

十二月，長庚追牽於黑水外洋，中礮殞。十三年春正月，詔任浙江提督，總統閩浙兵船，爲長庚雪憤。五月受事，六月調福建水師提督。與總督阿林保奏言：『臺灣北路守兵單薄，請改興化協左營守備爲水師，移駐滬尾。以延平協左營守備移駐艋舺，管轄陸路。從之。十四年八月，會浙江提督邱良功勦牽於定海之魚山。牽勢已蹙，追之不敢息。明日，仍據上風。傍午，逾黑水洋，見綠水，將遁走外洋。得祿恐其復逸，麾閩浙各船遏之。牽殊死戰，篷索相糾。賊以綻鈎浙舟，矛貫良功之腓。浙舟毀綻脫，而得祿之船復迫之。轉戰良久，濺血聲喧。牽彈盡，以番銀爲礮子。官軍亦以大礮轟擊，烟霧蔽海。得祿傷右額，猝倒再起，大呼殺賊。牽知不能免，自沈其舟，妻孥皆死。捷聞，詔封二等子爵，賞戴雙眼花翎。十五年四月，統師出洋，搜勦餘黨，多納降。海上稍靜。然猶有黃治聚衆海壇，刦截商旅，討之。自是每有斬獲，海寇漸平。』

十六年九月，入覲。垂詢水師情形，溫旨褒嘉。歸福建。十八年二月，福建巡撫張師誠疏言：『臺灣之鹿耳門、鹿港兩處，港內悉係暗沙，須淺水船隻始能守禦。應造守港及八槳快船，分設防堵。王得祿素諳臺地情形，請令酌定船式』。得祿遂繪圖以進，奏請『造竣之後，分撥鹿耳門十六隻，鹿港、八里坌各八隻』。從之。又以得祿素諳臺地情形，請令酌定船式。亦從之。旋赴臺灣閱兵，請假展厦门爲全閩要口，港汊紛歧，商旅往來，時虞伺劫，奏請『動撥房租，添造槳哨巡船，以利緝捕』。亦從之。十二年春正月，調浙江提督。翌年六月，以病乞回籍。捐運津米，並倡修鳳山縣城，奉旨交部優敍。七年八月，

入觀。旋聞後，寄家廈門。已而嘉義張丙起事，南北俱動，即募義勇五百，隨水師官兵至樸仔腳，助戰有功，詔加太子少保銜。得祿以嘉義城垣爲張丙所蹂躪，倡議重修，並建義倉，儲穀二萬石，爲兵荒之用。居鄉時，頗有義舉。二十一年英人之役，駐防澎湖。十二月，薨於防次，年七十有二，追贈伯爵，加太子太師銜，謚果毅，賜祭。有子十，長朝綱，任山東濟東道；次朝綸，候補員外郎。



四、其他文獻

有關王得祿的文獻資料甚多，一時難於全部採集，現在只得就其後裔所藏以及墳墓、家廟爲中心的採集而已；外附以「澎湖廳志」中所查得之資料。

(一) 墳 墓

因爲時間關係，筆者只能就王得祿之父及王得祿本人之墳墓資料採集，茲記錄如下：

王得祿之父墳墓（附圖一），在嘉義縣太保鄉安仁村頂港墘。地形如鐘，四面環水（附圖二），地方人迷信風水，謂王得祿之所以有如此地位，係由於葬在此一地理之結果。所謂：「絲線吊銅鐘，建出公卿。」即四面環水如絲線，墓地形如銅鐘也。墓規模不大，墓碑稍向前傾斜，碑文如下：


王得祿塋墓，在嘉義縣新港鄉安和村土地名番婆的田園中，規模甚大，墓前石人、石獸，彫刻精巧（附圖十三至二十八）。據傳說：此墓建造後，附近村庄，鷄不能鳴，狗不能吠，晚上墓園中的石獸會在附近田園盜食玉穀菜蔬；而且在墓的後方有一名叫后庄的部落，人畜不安，後來只好遷移他處；又說：墓的後面有條依墓打開的小溝是作爲壓勝的作用。此外尚許多傳說，尙待調查。

王墓的碑石有一六三公分高；又墓棹，有五十九公分高，即共計高約二二二公分。如此高度，在普通的墳墓是難見到的。因此，

就發生了一種傳說：如果有人能站立在墓棹前舉手摸到墓碑頭，就可以娶王家的少女爲妻。墓碑文字甚多，茲依原格式抄錄如下：

：五十公分 ······
晉加榮祿大夫歷任福建浙江提督二等子爵世襲贈伯爵太子太師賜謚果毅顯考王公塋

孝男朝綱輔朝緯朝紱朝賦朝武豐枚期孫長英等謹立石



(一) 石碑

有關王得祿的石碑，除墓碑外，現在查到的有二：一是嘉慶二十四年建的「重興大仙岩碑」，碑高約一公尺餘，詳附圖三；另一是道光七年建的「嘉義縣示禁於王得祿元配范夫人墳地養牛碑」（附圖四），碑文部份已不明，詳如下錄。

特用分府直隸州嘉□□□□記錄十次王爲坟遭畜害等事本年六月十三日據舉人王朝綱呈稱緣綱王氏范夫人於嘉慶十四年卜居於大仙岩麓近有附近農民牧牛坟際肆意喂養青草食盡每遇霖雨周圍倒陷綱偵知隨囑該地耆老並大仙岩住僧阻止而愚民等不唯不聽反敢背後口出罵言懇請示禁等情據此除批示外合行示禁爲此示仰該處居民人等知悉嗣後毋許再行車牛在范夫人築坟處所牧養喂草自示之後倘敢再違定即差拏究懲決不寬貸各宜凜遵毋違特示
道光七年七月

初二 日給

(三) 匾

王得祿墨跡，未見有傳也，只有寺廟中的木題字刻於木匾者，現查到的有兩個：一在嘉義縣新港鄉奉天宮內，是嘉慶二十年置的，題的是「聖慈母德」，茲依原格式錄后。另一是在臺南縣關子嶺仙草埔大仙寺中，是嘉慶二十二年置的，題的是「大發慈悲」，詳見附圖五。此外尚有其子孫代王得祿重置的，如新港鄉溪北村六興宮的「水德增光」等等，在此當不贅錄。

嘉慶乙亥年陽月吉日置

聖 慈 母 德


欽令提督福建全省水師等處地方軍務統轄臺澎水陸官兵二等子爵世襲軍功加五級尋常加一級王得祿立印

(四) 其他文物

王得祿的有關文物甚多，現在尚有者的如下列：

1. 王得祿暨元配及續弦之神主：現存太保鄉「王氏家廟」中，見附圖十。其神主中文字，茲依原格式錄后。
2. 王得祿繪像：現存太保鄉「王氏家廟」中，見附圖十一。

一 獻 文 澳 台 一



3. 王得祿元配范夫人像：現存太保鄉「王氏家廟」中，見附圖十二。


、黑各色書寫，約三五行。軸長四五五公分，寬三〇公分，因收藏時間過久，且保存方法欠佳，部份文字已無法辨別，其內容

何如后錄。

4. 王得祿曾祖母誥封軸：現存嘉義市吳鳳路四十八巷五十七號王焜家中。軸綵質，有滿漢對照文字，用金藍、白、紅、朱、黃、綠

5. 王得祿花衣，現存臺灣省立博物館；又其子孫亦收藏一件。

一他其及記傳祿得王



王得祿曾祖母誥封軸漢文部份

天承運
奉

皇帝制曰宣暢國威統三軍而奏績采甄世溯四世以推恩積慶有源流光自遠爾王奇生迺福建水師提督兼二等子王得祿之曾祖父淳心抱質善氣儲祥還建乃家允肇弓喪於奕葉克昌厥後誕膺節鉞於高門爰賚徽音俾揚元誥命戲發纓赫奕式隆一品之殊榮綸誥輝煌用慰九原之夙志祇承寵命克福休事。

制曰德門積善衍餘慶於後人幕府采勳錫殊恩於先世家□克大闡範攸彰爾邱氏遷福建水師提督兼二等子王得祿之曾祖母佩服女箴嫋明母道惠風肆好留懿訓於閨中令緒三傳毓奇才於閩外爰頌茂典俾闡徽音茲以覃恩贈爾一品夫人於戲渙汗涎敷用播深遐之澤湛恩編灑並揚賢淑之名顯命不承幽光允貢。

制曰錫慶中朝用表國恩之厚賜封累世載嘉母道之賢淑向同流寵章均被爾許氏迺福建水師提督兼二等子王得祿之繼曾祖母閨儀嫋習閨範修明微嗣蘋繁永百年介錫祉勳高堅□閱三世以流輝特沛殊施俾資茂獎茲以覃恩贈爾爲一品夫人於戲佩□□而渙采天陽仍口荷綸誥以揚名家聲速用欽承澤典長播休聲。

嘉慶十四年正月初一日

(五) 「澎湖廳志」中王得祿資料

臺灣方志中，收王得祿資料，以「澎湖廳志」爲最多。「廳志」凡十四卷，光緒二十年林豪纂修。其卷二、卷五、卷六、卷十一均有王得祿有關記事。茲錄以備考。

卷二 規制

城池

……若嘉慶九年，副將王得祿於井仔按社西南及媽宮港口之西城築成短堞；光緒元年，副將吳奇勳於媽宮港以西之金龜頭增築礮台，皆爲防海而設。……

叢祠

觀音亭：在媽宮澳。康熙三十五年，遊擊薛奎建。……嘉慶十年，澎協王得祿、護協陳景星、遊擊聶世俊、盧慶長等捐修。光緒元年，例貢生黃學周等鳩捐重建。……

卷五 武備

海防 附考

媽宮口一帶，自水仙宮口起至西城止，沿海用石築成矮堞，共三十五座；高七、八尺，厚三、四尺，長不等。嘉慶九年，副將王得祿造（據「續編」。今改建）。岸裏澳井仔按社西南銃城一帶，石築矮堞共二十八座；高四、五尺，厚五尺餘，長不等。嘉慶九年駐澎副將王得祿造（據「續編」。今廢）。新城礮台一座，就西城舊地改建；前面礮墩八個，上下俱用石板，週圍築有外牆，凡一十五丈六尺。旁開隧道出，進內有官廳、兵勇、馬道之屬。……

附錄籌防芻言

……三曰布置水險。……如能再有水雷更妙。即無水雷，出我師船奮擊，如邱良功、王得祿等擊蔡牽於大洋，竟與賊舟駢併死戰，無不碎其船而殲其類矣。……

卷六 職官

武職表（上）水師副將

王得祿，實任。嘉義人，原籍廈門。有傳。

武職表（下）名將傳

王得祿，號玉峰，嘉義人。由武生歷官澎湖副將，整飭營伍，捕獲勤奮。嘉慶九年，因海寇蔡牽在洋滋擾，就媽宮口一帶相度要害，自水仙宮起，至西城外止，沿海築石爲埠，以資堵禦。所需石工，悉由營自行捐辦。嘉慶十年，蔡逆匪船攻岸，衆心惶恐，公督率兵民，晝夜防禦，擊走之。時蔡牽三入鹿耳門，李提軍率舟師圍之，得祿以澎軍大敗之者三。累陞福建水師提督。旋以剿滅蔡牽於黑水大洋，敘功晉封二等子爵，加太子少保銜，予告歸。道光二十年間，防夷之役，命駐澎湖防守，薨於媽宮澳防次。賜祭葬如例。——參《續編東溟文集》。

紀兵

嘉慶九年夏四月，海賊蔡牽

入鹿耳門，騷擾海上，澎湖

戒嚴。副將王得祿築礮圍防

守。蔡逆來犯，擊却之。

嘉慶十年十一月，蔡牽入鹿

耳門。次年正月，總統李長

庚來援，率澎湖協王得祿等

乘風衝擊；大破之。牽遁。

嘉慶十一年夏，牽復入鹿耳

門。六月，將軍賽冲阿令澎

湖協王得祿大破之。事詳「臺灣縣志」、阮亨「瀛舟筆談」、東槎紀略」、「俞培集」、『廈門志』。

一 獻 文 澳 台 一

嘉慶十四年八月，閩浙兩提
軍邱良功、王得祿追及蔡牽
於黑水深洋，邱公良功以釣
鉤賊船；鏖戰久，兩船皆罷
敝；王得祿以生力軍乘之，
牽自沉死，而海氛稍息。黑
水洋爲澎、廈海中交界處，
故附記之（參「褒忠錄」）。

道光二十年，防洋事起，臺
澎戒嚴。六月十五、六等日
，夷船在澎湖及臺郡外洋窺
伺；拒却之。……旋起原
任水師提督二等子（爵）王
得祿，來澎防守。節「東溟文集」

(附圖一) 王必敬(康肅)墓




(鐘銅吊線絲) 景前地墓敬必王(二圖附)

(附圖三) 王得祿爲大仙岩立碑




(附圖四) 嘉義知縣示禁於王得祿元配范夫人
墳地養牛碑




—他其及記傳祿得王—




景全廟家祿得王鄉保太（六圖附）




題匾之祿得王岩仙大（五圖附）




匾之立所孫子廟家祿得王鄉保太（八圖附）



角一之廟家祿得王鄉保太（七圖附）



主神個三的中廟家祿得王（十圖附）



景全位牌的廟家祿得王（九圖附）


— 獻 文 澳 —




(附圖十二) 王得祿元配范夫人之繪像



(附圖十一) 王得祿之繪像



景近碑墓祿得王 (四十圖附)



景全埕墓祿得王 (三十圖附)



(附圖十六) 王得祿墓埕石彫之一——小獅



(附圖十五) 王得祿墓埕石彫之一——小獅

— 他 其 及 記 傳 祿 得 王 —



鳳小——之刻石埕墓祿得王（八十圖附）



（附圖十七）王得祿墓埕石刻之一——小鳳



（附圖廿一）王得祿墓圍石影之一——守護臣
(文)



象小——之影石埕墓祿得王（九十圖附）




（附圖廿二）王得祿墓圍石影之一——守護臣
(武)



象小——之影石埕墓祿得王（廿圖附）

— 獻 文 澳 —



馬備——之彫石圍墓祿得王（四廿圖附）



（附圖廿三）王得祿墓圍石彫之一——備馬



羊臥——之彫石圍墓祿得王（六廿圖附）



羊臥——之彫石圍墓祿得王（五廿圖附）



（附圖廿七）王得祿墓圍石彫之一——坐獅



獅坐——之彫石圍墓祿得王（八廿圖附）